



Zgrada Tužilaštva KS

**U dvije odvojene akcije po nalogu Tužilaštva KS pretresi i hapšenja u pravosudnim institucijama**

# Tužioce sumnjive za mito i organizovani kriminal



Begić

**U. VUKIĆ**

**SARAJEVO - Po nalogu Tužilaštva Kantona Sarajevo, pripadnici Federalne uprave policije i SIPA u dvije odvojene akcije uhapsili su dva tužioce kantonalnih tužilaštava.**

U nastavku akcije "Pravda"

Federalna uprava policije uhapsila je Džemalu Karića, tužioca Tužilaštva KS, koji je osumnjičen za organizovani kriminal, dok su pripadnici SIPA uhapsili Idriza Begića, tužioca Kantonalnog tužilaštva Unsko-sanskog kantona.

Azra Bavčić, portparol Tužilaštva KS, rekla je juče da uhapšenog tužioca terete da je "organizatoru i članovima ove kriminalne organizacije davao pravne savjete i podatke o predmetima koji se vode pred ovim tužilaštvom i sudovima u KS".

Podsjećanja radi, 11. novembra na području BiH uhapšeno je 15 osoba koje sumnjice

za krivično djelo organizovanog kriminala u vezi sa krivičnim djelima zloupotrebe položaja, povrede zakona sudije, pranja novca i prevara. Među privedenim osobama su Alija Delimustafić, bivši ministar unutrašnjih

**DŽEMALA KARIĆA TERETE ZA ORGANIZOVANI KRIMINAL, A BEGIĆA ZA PRIMANJA DARA I DRUGIH OBLIKA KORISTI**

poslova Republike BiH, Juso Škrijelj, nekadašnji tjelohranitelj Alije Izetbegovića, Emir Karač, sarajevski advokat, Lejla Cerić, zaposlena u opštini Stari grad. Takođe uhapšeni su i bivši pravobranilac opštine Stari grad Suda Hadžić te Hajrudin Omerbegović, stručnjak za saobraćaj Zavoda za planiranje razvoja Kantona Sarajevo. Tom prilikom policija je izvršila pretres u zgradama opštine Stari grad, Zavoda za planiranje KS i Opštinskog suda Sarajevo, dok je hrvatski USKOK u toj zemlji pretresao nekretnine Lejle Fazlagić, nekadašnjeg sudije Opštinskog suda u Sarajevu. U sklopu ove akcije u petak je vršen pretres na više od 60 lokacija, a Tužilaštvo KS u predmetu "Pravda" saradivalo je sa Kancelarijom za suzbijanje korupcije i organizovanog kriminala Hrvatske (USKOK), Upravom za organizovani i teški kriminal MUP-a RS, a asistenciju je pružala i Obavještajno-bezbjednosna agencija BiH.

U drugom slučaju hapšenja tužioca Unsko-sanskog kantona, njega terete za krivično djelo primanja dara i drugih oblika koristi, a pretres prostorija Tužilaštva USK trajao je do kasno poslijepodne.

Tužilac Begić je ranije doveden u vezu s prikrivanjem dokaza u predmetu "Cvijan Radić i drugi", a Visoki sudski i tužilački savjet suspendovao ga je 2014. godine jer je protiv njega vodena istraga u Kantonalnom tužilaštvu Livno. Suspendacija je uslijedila zbog nemara u vodnju slučaja ubistva srpskog povratnika i opštinskog inspektora u Bihacu Cvijana Radića te ubistva generala HVO-a Vlade Šantića.

Tada je terećen za nemar u vršenju službene dužnosti, neopravdano kašnjenje u vršenju dužnosti te ponašanje u sudu i tužilaštvu koje šteti ugledu tužilačke funkcije.